



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

3. Quomodò per Euangelium, verba & facta Christi, Christus ad nos venit,
& nos illi adducimur.

urn:nbn:de:hbz:466:1-29452

actio, nostra est instructio: sic quoque ipse iubet esse nos misericordes, sicut pater suus cœlestis misericors est ad remittendum & dandum, Matth. 6. Lucæ 6. vt simus filij patris qui in cœlis est, & hoc totū propter Deum fieri debet, propter dilectionē Dei, & acceptationem beneficij Christi in gratiarum actio-nem. Ethnici enim & gentes, ex naturali amore be-nefaciunt suis amicis & assentatoribus: nos autem propter patrē in cœlis, vt simus filij eius: & ipse pater cognoscit, quia ad laudē ipsius nos omnia facimus, ille reddet in abscondito. Sic quoq; accipere (*fassēn*) oportet Christum, vt sequamur illum in virtutibus, quia cōuersatione & sanctis operibus: aliās sequetur quod apud Lucam 6. dicitur: Quid vocatis me, Domine Domine, & non facitis quę dico vobis? Ergo verbis credere debemus, ac vitā sequi, hoc est, totum Christum accipere: Si quis autem dicat, Ego diligo Deum, credo Christū esse mihi donum proprium &c. proximum autem suum oderit, hic mendax est, i. Ioan. 4. Ergo qui non sequitur Christum tanquam exemplum, parum proderit ei dicere: habeo Christū donum salutis Tit. 1. Confitentur se nosse Deum. Et Matth. 7. Non omnis qui dicit mihi, Domine Domi-ne, intrabit in regnum cœlorum: sed qui facit volun-tatem patris mei, &c.

Euangelium prædicatio est, per quam Christus ad te venit, & tu ad ipsum adduceris. hoc autem sic con-tingit, quando audis vel legis, quòd Christus huc vel illuc venit, aut quòd aliquis ad ipsum adductus est, vt Marc. 7. cap. cùm adducerent ei surdum & impe-ditæ linguæ, &c. & sic cum illo & illo fecit, scire de-bes quòd hoc ipsum offert, id est, illam sanitatem, quelā, auditum, &c. tibi verbum & factum Christi, quod ibi legis & audis. Si hīc sistis, & permittis tibi be-nefacere, & credis quòd & tibi benefaciat, & te ad-iuuet, & velit te, sicut illum, iuuare, tunc certò habe-bis. Est

bis. Est enim & hodiè Christi verbum & factum effi-
cax in credentibus: hodiè etiam illuminat cæcos, mū-
dat leprosos, remittit peccata, dat panem quotidiana-
num, sicut fecit quando erat in mundo antè passio-
nem. Ideò consimilia miracula & opera hodiè con-
tingunt credentibus. Ideò non oportet Euangelium
sic legere, vt semel gestam historiam: sed sic, quate-
nus hodiè efficax est per verbum suum, sicut fuit antè
passionem, vt in omni necessitate habeamus vnde cō-
solemur. Rom. 15. Quæcunq; scripta sunt, ad doctri-
nam nostram &c. Ob id Euangelium non est liber le-
gis aut præceptorum, sicut est Moysis liber, quo præ-
cipit & damnat Deus, &c. Sed est liber diuinorum pro-
missionum, in quo Deus offert & donat omnia sua
bona & beneficia in Christo: Quod enim docent A-
postoli & Christus exponit legem, hæc inter benefi-
cia numeranda sunt. Igitur Euangelium est medici-
nale animæ, in quo anima audiat quid Deus cū ipsa
faciat, sicut igitur fecit Christus cum peccatoribus
& infirmis, sic hodie facit nobiscum modo credamus
& obediamus Euangelio, Rom. 10. Hoc agnoscere, est
proprium Euangelij: Quoties igitur audis factum
aliquod, historiam, verbum, opus Christi, tibi
applica: & crede, vt quoque assequaris gra-
tiam, sicuti illi.

CAP V T XXXIIII.

A R G V M E N T A.

1. Unde venit quod dicitur, quod Deus gratis
nobis remittit peccata, & donat cœlum: nam
hic sermo per totum Euangelium habetur.
2. Quid excludat hæc particula, Gratis.
3. Unde sit causa præriorum nostrorum operū,
si Deus gratis omnia confert.